

13 APRILIE
RUGACIUNEA
SF.CUVIOASE

ANASTASIA ROMANOV DE LA KIEV

Молитва

О преподобная и много-милостивая мати наша Анастасие, благоуханный крине царский в земли Киевстей процветший! Во дни земнаго жития твоего никогоже из притекающих к тебе не отринула еси, но теплою любовью твоею всем послужити готова была еси. И ныне, приклоньше колена и смиренно припадающе к раце мощей твоих [или: смиренно лобзающе честную икону твою], умиленно вопием и молим тя: приникни к нам, недостойным, благосердием твоим, нищия и убогая заступи, немощныя и болящия уврачуй, и всем коемуждо благопотребная в жизни сей подаждь, и вся, яже к душевному спасению нашему.

Помози инокиням, тобою под Покровом Царицы Небесныя собранным, понести иго Христова во благодушии, подвигом добрым подвизатися и в чертог Спасов с мудрыми девами внити.

Обитель святую твою присно осени своим заступлением, сохраняющи ю от стрел лукаваго

и от всякаго злаго обстояния.

О блаженная наша мати Анастасие! якоже имела еси сердце твое преисполнено милосердия и любви Христовой, сице и нас научи Бога всем сердцем любить и к ближним нашим милостивыми быти. Умоли Спасителя нашего, да сохранит нас от падений греховных и в заповедах Своих преуспеяние дарует, да с истинным покаянием устремившися к вечней жизни, купно с тобою наследим Небесное Царствие и прославим всесвятное имя Отца, и Сына, и Святаго Духа во веки веков. Аминь.